

Aalajangersakkt

Kommunimi pilersaarummi immikkoortut ilaaniittut inoqarfiit nunaannaallu nunap immikkoortuini agguataameqarmeri ilanngunneqarput. Aamma immikkoortut ilai immikkut tamamik pingaarnerusumik sumut atorneqamersut kommunimut pilersaarutikkut aalajangersameqarput, tassa quppernemi matuma kinguliini sukumiinerusumik nassuiarneqartut atuuffinnik immikkoortiterinerit arlallit aallaavigineqarput.

- [Immikkoortumi atuuffiit suneri](#)
- [Nunap assinganik ujarlerfik](#)
- [Immikkoortumi pilersaarutit](#)
- [Immikkoortunut pilersaarutit](#)



Immikkoortumi atuuffiit suuneri

Immikkoortunik killeqarfilersuineq atuuffinnik immikkoortiterinerit naapertorlugit aalajangersarneqarput. Illoqarfimmi immikkoortup ilai A-E-mi atuuffinnik immikkoortiterneqarnerinik taaneqartut nunaannami immikkoortup ilai K-O-mik atuuffinnik immikkoortiterneqarnerinik taaneqarput

Inoqarfimmi immikkoortut immikkoortiterneqareri:

- Inissiaqarfiit (A-mi immikkoortut)
- Inuitissarsiuteqarfiit umiarsualiveqarfiillu (B-mi immikkoortut)
- Immikkoortut ataatsimoorussaqaarfiit (C-mi immikkoortut)
- Sanaartorfioqquusaanngitsut annertuunillu sukisaarsaartitsinnermut atortulersuutit (D-mi immikkoortut)
- Teknikkikkut atortulersuutit attaveqaateqarfiillu (E-mi immikkoortut)

Nunaannami immikkoortut immikkoortiterneqareri:

- Sunngiffimmi aasaanerani illuaraqarfiit assigisaallu. (K-mi immikkoortut)
- Immikkoortut sukisaarsaarnermut immikkuullarissunut (L-mi immikkoortut)
- Immikkoortut savaateqarfittut, nunaateqarfittut, imaani inuitissarsiornermut, orpippassuaateqarnermut, qeqertani qimmiliveqarnermut il.il. tunngasut. (M-mi immikkoortut)
- Teknikkumut, attaveqatigiinnermut assigisaanullu immikkoortitat (N-mi immikkoortut)
- Immikkoortut sanaartorfiunngitsut (O-mi immikkoortut)

Immikkoortup ilaani ataasiakkaani pingaarnertut aalajangersakkat immikkoortunillu killeqarfilersuinerit sukumiisut killiliussani aalajangersarneqarput.

Inissiaqarfiit

Immikkoortunik inissiaqarfissatut siunertaqarfusunik atuneq pingaamertut immikkut aalajangersagaliani inissialiorfissatut immikkoortitaapput, taakkununga ilanngullugit siammasissumik pukkitsumillu illuliat, akulikitsumik pukkitsumillu illuliat imaluunniit inissiat quleriaat.

Ammasumik pukkitsumillu inissianik sanaartormermi allanut attuumangitsut ilaqutariinnut ataatsinut illut kiisalu illut marloqiusat pineqartarput, akerlianillu eqimattunik pukkitsunillu inissianik sanaartormermi illut uiguleriaat, rækkehusit assigisaallu pineqartarlutik.

Suliffeqarfik eqqaani najugaqartunut akornusersuutaangippat inissiaqarfiillu isikkuanut allannguisumik isikkoqanngippat, ilaatigooriarluni inissiaqarfimmi suliffeqarfimmik ingerlatsisoqarsinnaanera akuersissutigineqarsinnaasarpq.

Inuutissarsiuuteqarfiit umiarsualiveqarfiillu

Immikkoortuni inuutissarsiuuteqarfimmut umiarsualiveqarnermullu immikkoortitaasunik atuneq pingaarnertut immikkut aalajangersagaliani inuutissarsiuuteqarnermut, umiarsualiveqarnermut umiarsualiveqarnermut attuumassuteqartunik ingerlatsiveqarfissatut imaluunniit inuutissarsiuuteqarfissatut inissiaqarfissatullu akuleriisillugit immikkoortitaavoq.

Inuutissarsiuuteqarfissami pineqarlutik suliffissuarnut, entreprenørinut, quersuaqarnermut toqqorsiveqarnermullu, garageqarnermut, assartuussisamermet, annertukkaanik nioquteqartamermet assigisaanulluunniit atugassatut nunaminertat illuliillu. Pingaarnertut aalajangersakkani aalajangersameqareersut, avatangiisinullu akornutaassanngippata, kommunalbestyrelsen akuersissutigisinnaavaa, immikkoortuni inuutissarsiuuteqarfissatut immikkoortinneqarsimasuni inissialinnik ataasiakkaanik suliffeqarfiliortoqassasoq.

Umiarsualiveqarfissatut umiarsualiveqarnermullu attuumassuteqartunik suliffeqarfissatut immikkoortitani pineqarlutik, umiarsualiveqarfinni talittarfiit, tankeqarfiit, aalisakkeriviit, amutsivik assigisaalu. Umiarsualiveqarfiup pilersomeqamissaa eqqarsaatigalugu ulluunerani pisinniarfiliortoqarsinnaanera akuerineqarsinnaavoq.

Inuutissarsiuuteqarfissatut inissiaqarfissatullu ataatsimoortitsiviusuni avatangiisinut malunnaatilimmik akornusersuutaanngitsunik suliffeqarfiliortoqamissaa akuersissutigineqarsinnaavoq, soorlu allaffeqarfiit, namminersortunit inuutissarsiorfiit, klinikkit kiisalu atugassaarniarfiit mikinerusut. Inuutissarsiuuteqarfissatut inissiaqarfissatullu ataatsimoortitsiviusuni mingutsisisinnaasunik suliffeqarfiliortoqarsinnaanngilaq.

Immikkoortut ataatsimoorussaqaarfiit

Ataatsimoorussaqaarfinnik atuneq pingaarnertut immikkut aalajangersagaliani qitiusoqaarfinni siunertanut tamanullunniit siunertanut atugassatut aalajangersameqarpoq. Qitiusoqaarfinni siunertani pineqarput pisiniarfiit, inuussutissarsiutit namminersorfusut, kiffartuussiveqarneq inissiallu.

Sumiiffinni tamani aamma inuussutissarsiutigalugu suliffeqaarfiit minnerit, pisiniarfinnut assigisaanullu atasut, avatangiisinik mingutitsinngitsut sananeqaarsinnaanersut erseqqissaatigineqassaaq.

Qitiusoqaarfiup iluani tamanut atugassanik ataasiakkaanik illuliortoqaarsinnaavoq.

Tamanut siunertani pineqarlutik oqaluffik, ilinniarfissuaq, namminersorlutik oqartussat allaffeqarfiat, kommunip allaffia, atuarfiit, meeqperiviit assigisaallu kiisalu inissiat ataasiakkaat. Tamanut siunertaqaarfiup iluani qitiusoqaarfinni siunertani tamanut atugassanik illuliortoqaarsinnaavoq.

Sanaartorfioqquusaanngitsut annertuunillu sukisaarsaartitsinermut atortulersuutit

Pingaarnertut aalajangersakkami D-mi immikkoortumi immikkoortitani sanaartorfioqquusaanngitsut kiisalu annertuunik sukisaarsaartitsinermut atortulersuutit pineqarput.

Sanaartorfioqquusaanngitsuni pineqarlutik immikkoortut annertuunik sukisaarsaartitsisoqarnissaanut assigisaanulluunniit atugassatut immikkoortitat.

Annertuunik sukisaarsaartitsisoqarnissaanut atortulersuutini pineqarlutik immikkoortut timersorfiusartut, umiatsiaaqqanut talittarfiit, iliveqarfik assigisaalu. Annertuunik sukisaarsaartitsisoqarnissaanut atortulersuutit eqqarsaatigalugit immikkoortut immikkoortitat immikkoortuni ingerlatsinermi atuinermilu pisariaqartut eqqaassanngikkaanni, ataavartumik inissisimasussanik illuliorfiussanngillat.

Teknikkikut atortulersuuteqarfiit attaveqaateqarfiillu

Sumiiffiit teknikkimut attaveqarmermullu il.il. atugassanngortinneqartut nalinginnaasumik teknikkimut atortunik angisuunik, soorlu emgup nukinganik innaallagissiorfinnik kiisalu Allatut oqaatigalugu inuussutissarsiut, pisuussutsinik uumassusilinnik atuinermik aallaaveqanngitsoq tassani pineqarpoq. Pilersuinermut tunisassiormermulluunniit ingerlataqarfiit taakku sumiiffiit agglomerini ataasiakkaani suliffeqarfinnut atortunulluunniit atasunngorlugit ukioq kaajallallugu inissiatut, stationitut, tammaarsimaarfittut assigisaattulluunniit sananeqarsinnaapput. Sumiiffinni taakkunani sunngiffimmi illuaqqanik aamma illunik aasarsiorfarfinnik sanasoqarsinnaanngilaq, sumiiffiit agglomeri taakku suliffeqarfinnut atortunullu matuma siuliani taaneqartunut atugassanngortitaammata.

Sunngiffimmi aasaanerani illuaraqarfiit assigisaallu.

Sunngiffimmi aasaanerani illuaraqarfiit assigisaallu immikkoortinneqarsinnaallutik illuaraqarfummata, taakkunanilu immikkoortut ilai ukioq naallugu najugaqarfittut atorneqassanngillat. Immikkoortut ilaani killilimmik takornarissanut kiisalu piniartut illuaraannik ajomartoomermilu atugassanik illuqaqanik sanaartortoqarsinnaavoq, aatsaat immikkoortup ilaani illuqaqanut il.il. amerlasaataavallaassanngippata. Illuaraqarfiup ilisamaatigaa, illuqaqat siammasissuuneri (qaninnerpaaffigitinneqassalluni: 60 meteri) aamma immikkoortumi 'illoqarfeerannguutitsisoqasannigilaq'. Nunaqarfinni inuerunnikuni illuqaqiomermi 30 meteri qaninnerpaaffigitinneqassaaq, tassa immikkoortunut ataasiakkanut tunngatillugu tamanna pingaamertut aalajangersakkani aalajangersameqarsimassappat.

Pingaamertut aalajangersakkani illuqaqat assigiinngitsut taaneqarput:

- **Sunngiffimmi illuqaqat** mikisuusut namminermt atugassiaapput.
- **Aasaanerani illuqaqat anginerulaartut namminermt atugassiaapput.**
- **Takornarissanut illuqaqat inuutissarsiutigalugu attartortinneqarsinnaapput.** Takornarissanut inuutissarsiutit nunaannamiikkusuttunut illuqaqat attartugassiaanerupput.
- **Piniartunut ajornartoormerluunniit illuqaqat** tikikkuminartuniittut tamanut atugassiaapput, taakkulu kommunimit peqatigiiffinnilluunniit sanaartortinneqarjuttarput.

Matuma kinguliini eqitsimmi illuqaqanut assigiinngitsunut tunngasut ilisamaataat takutitassiarineqarput.

	Iserfigineqarsinnaaneri	Angissuseq	Allaffissorreq
Sunngiffimmi illuaraq	Namminermt atugassiat	$\leq 20 \text{ m}^2$	Sanaartomissamut akuersissutitaqartariaqanngilaq
Aasaanerani illuaraq	Namminermt atugassiat	$> 20 \text{ m}^2$	Sanaartomissamut akuersissutitaqassaaq
Takornarissanut illuaraq	Inuutissarsiutigalugu attartugassiat	Najoqqutassiaqanngilaq	Sanaartomissamut akuersissutitaqassaaq
Piniartunut /Ajornartoormerluunniit illuaraq	Tamanut atugassiat	Najoqqutassiaqanngilaq	Sanaartomissamut akuersissutitaqassaaq

MALUGIUK: Illuqaqanut tamanut nunaminertamik atuinissamut akuersissummik peqqaarnissaq piumasagaataavoq.

Illuqaqat assigiinngitsut sisamat immikkoortillugit taaneqarput, ataatsimoortuutillugilli. Oqaaseq illuqaqat atorneqartillugu illuqaqat taakku assigiinngitsut sisamaasut nalinginnaasumik pineqartarput. Taakkumi tamamik pineqartillugit pineqartarami ukioq naallugu najugaqarfiusinngininneri.

Nassuiaataasigut assigiinngitsusutigit immikkoortinneqarsinnaapput, tassa tamamik assigiinngitsutigit atorneqartarmata. Nunaannami immikkoortut ilaani assigiinngitsusuni illuqaqat assigiinngisitaartuupput. Immikkoortup ilaani pingaamertut atuuffiunut immikkoortulersuinissami tamanna aalajangiisuusinnaavoq. Assersuutigalugu sunngiffimmi aasaaneraniunniit il. il. illuaraqarfimmi pingaamertut illuqaqarineqartussat tassaassapput sunngiffimmi aasaaneraniunniit il. il. illuqaqat, takornarissanullu illuqaqat ajomartoomermilu illuqaqat immikkoortup ilaata pingaamertut atuuffissaanut allannguinnigsumik killilimmik sanaartortoqarsinnaavoq.

Immikkoortut sukisaarsaarnermut immikkuullarissunut

Immikkoortut sukisaarsaarnermut immikkuullarissunut immikkoortitat ilisamaatigaat, sukisaarsaarnermut immikkuullarissunut assigiinngitsunut atugassanik illutaqarlutillu atortulersuuteqarneri. Tassaasinnaallutik sisoqartarfeqarnermi atortut, takornarissanut illuaqqat ataatsimoortut, atuartut asiartarfii, hotelit, pisullutik angalasartut aqqutaat allallu timersomermut sunngiffimmiluunniit sammisassanut tunngasut. Suliffeqarfinnik allanik mikinerumaaneq pilersitsisoqarsinnaavoq, tassa immikkoortup ilaani immikkuullarissaamik sukisaarsaartitsiveqarnerup isikkuanut allannguutaanngippat aatsaat. Tassunga atatillugu namminermut sunngiffimmi aasaanerani luunniit illuaqqanik kiisalu piniartunut ajomartoormiluunniit illuaqqanik killilimmik sanaartorfusinnaavoq. sunngiffimmi aasaanerani luunniit illuaqqiormermut atasunik mikinerusunik atortulersuutilisoqarsinnaavoq, soorlu panersiiviit, pujooriviit, naatsiiveeqqat assigisaallu. Sukisaarsaarnermut immikkuullarissunut immikkoortitat taamaalilluni sunngiffimmi aasaanerani luuarqaqfimmuut sanilliullugit annertunerulaamik periarfissiippat, tassa iluaqutissaasunik illuliomeq nunaminertamilu atuneq eqqarsaatigalugu. Assersuutigalugu immikkoortut ilaani taakkunani 'illoqarfippalaarnersitsisunik' aqqusinnoortoqarsinnaallunilu, ataatsimoorussanik teknikkikkut pilersuineri atortulersuutilisoqarsinnaallunilu akulikinnerusunik illulioritertoqarsinnaavoq.

Immikkoortut savaateqarfittut, nunaateqarfittut, imaani inuutissarsiornermut, orpippassuaateqarnermut, qeqertani qimmiliveqarnermut il.il. tunngasut

Immikkoortut savaateqarfissatut, nunaleriffissatut, imaani inuutissarsiorfissatut, orpippassuaateqarfissatut, qeqertat qimmilivissatut il.il. immikkoortitat immikkoortinneqarsinnaasarput, taakkununga siunertanut iluaqutissatut pingaarnertut atugassanik illuliorfiusarlutillu atortulersuuteqartarmata kiisalu taaneqartunik suliaqartarnermi tunngalluinnartunik eqqaanilu nunaminertanut attuumassuteqartunik allanik peqartarluni. Allatut oqaatigalugu illuliorqarsinnaallunilu, atortulersuisoqarsinnaallunilu pisuussutiniq uumassusilinnik inuutissarsiornermi suliamut attuumassuteqartunik allanik iluaqutissaalluurtunik nunaminertami atuisoqarsinnaavoq. Immikkoortut ilaani taakkunani allatut inuutissarsiorfiliortoqarsinnaanngilaq. savaateqarfissatut, nunaleriffissatut, imaani inuutissarsiorfissatut, orpippassuaateqarfissatut, qeqertat qimmilivissatut il.il. immikkoortitani sanaartorneq atortulersuinerlu ilisaanaataagajuttartoq tassa, atortulersuutit atusunik ataatsimik angisuunik illorsuartaqartameri, uanili apeqqutaasarlutik attaveqaatitigut kallerullu inneranik pilersuinermut tunngasut. Immaqa assartuussisarnermut tunngasutigut periarfissarissaartoq. Taamaappat immikkoortut ilaani tassunga tunngasunik pilersuutissanik illutaanut atortulersuutinullu atusunik pilersitsisoqarsinnaassaaq. Sunngiffimmi aasaanerani luunniit il. il. illuaqqat, takomarissanullu illuaqqat ajornartoomerilu illuaqqat immikkoortup ilaata pingaarnertut atuuffissaanut allannguingsumik killilimmik sanaartortoqarsinnaavoq.

Immikkoortut sanaartorfiunngitsut (O-mi immikkoortut)

Illoqarfiit, nunaqarfiit kiisalu immikkoortut K-, L-, M- N-illu avataani immikkoortut sanaartorfiunngitsut ilisarnaatigaat, immikkoortumi illutaqanngiivinnera atortulersuutitaqannginneraluunniit imaluunniit amerlanngitsunik peqamera. Tassaasinnaasllutik

- Immikkoortut ivigartorfissatut immikkoortitat (O-I-mi immikkoortut), soorlu uumasutinut ivigartorfissat, assersuutigalugu savat, tutut, hiistit, nersussuit assigisaalluunniit, aammalu sanaartorfiunngitsumi isikkuanut allannguutaanngitsumik nunaminertamik atuinerup iluaqtissiinera.
- Immikkoortut immikkoortinneqamikuunngitsut (O-II-mi immikkoortut, immikkoortut ilai O1, O3 aamma O5), ilisarnaatigalugillu immikkoortut ilaat atorneqamikuunnginneri imaluunniit illoqaranilu atortulersuuteqannginnera imaluunniit peqalaamera.
- Inuilaqarfiit (O-III-områder, immikkoortut ilaat O2, O4 aamma O6), ilisarnaatigaat suliaqarfiusumiit minnerpaamik 5 km-isut isorartutigisumik pingortitarsuamik atuiffusoqannginnera. Suliaqarfiusut tassaasinnaasllutik:
 - Illoqarfiit nunaqarfillu eqqaat.
 - Sunngiffimmi aasaanerani illuaraqarfiit.
 - Immikkut sukisaarsaarfissaqqissoqarfiit.
 - Savaateqarfissatut, nunaleriffissatut, imaani inuutissarsiorfissatut, orpippassuaateqarfissatut, qeqertat qimmilivissatut il.il. immikkoortitat.
 - Teknikkumut, attaveqatigiinnermut assigisaanullu immikkoortitat.
 - Aqqusineeqqat aqqaasartullu mikinerusut sulianut ilaasutut isigineqanngillat.

Sanaartorfiunngitsuni sunngiffimmi aasaanerani luunniit illuaqortoqarsinnaanngilaq kiisalu inuutissarsiormik pissuteqartumik illulioqarfiusinnaanani atortulersuisoqarsinnaanngilaq. Sananeqarsinnaasutuat tassaallutik piniartunut illuaqqat ajomartoormililu illuaqqat, sanaartorfiunngitsulli immikkoortup ilaani pingaamertut atorneqarmissaanut allannguinnippata aatsaat.

Gældende frilandsplaner

Gældende frilandsplaner kan ses på kommunens [hjemmeside](#).

Tolkning manglende

kommunimullu pilersaarummut tapiliussat atuuttut

Immikkoortumi pilersaarutit kommunimullu pilersaarummut tapiliussat atuuttuusut kommunip [nittartagaani](#) takuneqarsinnaapput.